



Fidoyilik —  
Vatanga xizmat demak!

2023-yil 31-yanvar, seshanba,  
12 (23.733)-son

**KUN  
HIKMATI**

Rahbar xalqni  
boshqarishi emas,  
balki o'z ortidan  
ergashtira olishi  
lozim

1913-yil aprel oyidan chiqq boshlagan



[www.zarnews.uz](http://www.zarnews.uz) <https://www.facebook.com/zarnews.uz> [@zarnews\\_uz](https://twitter.com/zarnews_uz) [https://twitter.com/zarnews\\_uz](https://twitter.com/zarnews_uz)

# MAKTAB ISHI — XALQ ISHI

**30-yanvar kuni xalq deputatlari Samarqand viloyati Kengashining saksoninchi sessiyasi o'tkazildi. Sessiyani Kengash raisi, viloyat hokimi E.Turdimov boshqardi.**

Videosektor tarzida o'tkazilgan sessiyada deputatlar bilan birga kun tartibidagi masalalarga aloqador idora va tashkilotlar mas'ullari, ta'lim sohasi rahbari va xodimlari ham ishtirok etdi.

Sessiyada 2022-yil 29-dekabr kuni davlatimiz rahbari Sh.Mirziyoyev ishtirokida "Ta'lim sifatini oshirish — Yangi O'zbekiston taraqqiyotining yakka-yu yagona to'g'ri yo'lidir!" mavzusida o'qituvchi-murabbiylar bilan o'tkazilgan uchrashuvda belgilab berilgan vazifalar haqida so'z yuritildi.

Uchrashuvda maktablarda ta'lim sifati hamda jamiyatda o'qituvchi kasbi nufuzini oshirish, muassasalardagi sharoitni yaxshilash 2023-yildagi eng asosiy vazifalarimizdan biri bo'lishi belgilab berildi, — dedi E.Turdimov. — Buning uchun davlat tomonidan nimaiki zarur bo'lsa, barchasi ta'minlanadi. Mahalliy budjetdan ham sohaga yo'naltiriladigan mablag' miqdori bu yil har yilgidan ancha ko'p bo'ladi. Shu kunga qadar maktab o'z masalalarini o'zi yechadi, degan qarash hukmron bo'lgan. Kuchlar, fikrlarning birlashtirilishi xatoligini zamonning o'zi ko'rsatmoqda. Mahalla, xotin-qizlar, yoshlar faollari ta'lim tizimi muammolarini birgalikda hal etib, ta'lim taraqqiyotiga erishishda hamkorlik qilishlari zarur.

Uchrashuvda belgilangan vazifalar, mamlakat taqdiri bilan bog'liqligi yurtimizdagi har bir o'qituvchi, ota-ona bundan xabardor bo'lishi, mas'uliyatni his etishi kerak.

Bizda bolaning bilim olishida ota-onalarning mas'uliyati deyarli sezilmaydi. Ota-ona bozor iqtisodiyotini ro'kach qilmay, nuqul moddiy manfaat ortidan quvmay o'z farzandining tarbiyasi va bilim olishi bilan ham jiddiy shug'ullanishi shart.

Muallimni ayblash oson bo'lib qoldi. Buning aksini bo'lishi, har bir ota-ona bilan maktab o'rtasida shartnoma imzolash, ushbu shartnomada ota-onaning

bolaga tarbiya berish va bilim olishi uchun sharoit yaratish borasidagi majburiyatlari alohida belgilab qo'yilishi kerak.

Har bir bolaga individual yondashish, uning iste'dodini ro'yobga chiqarishga harakat qilishimiz lozim. Bunga nafaqat maktab, balki butun jamiyat mas'ul.

Ota-onalar maktabga borishi, farzandi ta'lim-tarbiyasi bilan shug'ullanishi kerak. Buni faqat o'qituvchining zimmasiga tashlab qo'yib bo'lmaydi.

Maktab ta'limi sohasidagi bugungi islohotlar zamirida o'qituvchini ulug'lash masalasi ham turibdi, — dedi viloyat hokimi. — Jamiyatda o'qituvchi kasbi eng nufuzli va obro'li kasb bo'lishi lozim. Muallimlarimiz bolalarga sifati ta'lim berish va o'z ustida ishlashdan boshqa narsa haqida o'ylamasligi uchun barcha sharoitlarni yaratib berishimiz zarur. O'qituvchiga hurmatsizlik — bu xalqimizga, jamiyatimizga hurmatsizlikdir.

Sessiyada Sharof Rashidov nomidagi Samarqand davlat universiteti rektori, Oliy Majlis Senati a'zosi Rustam Xolmurodov, viloyat Kengashi deputati, Kattaqo'rg'on tumanidagi 20-umumiy o'rta ta'lim maktabi direktori Zaynab Berdiyeva, Kattaqo'rg'on shahridagi 12-umumiy o'rta ta'lim maktabi direktori Natalya Petrova, Samarqand davlat chet tillar instituti rektori Ilhomjon To'xtasinov, Samarqand shahar Kattaariq mahalla fuqarolar yig'ini raisi Mehridin Oripov va boshqalar so'zga chiqib, ushbu masala yuzasidan o'z takliflarini bildirdi.

Atroflicha muhokamadan so'ng davlatimiz rahbari tomonidan belgilab berilgan vazifalar asosida viloyatda ta'lim sifatini oshirish yuzasidan "Yo'l xaritasi" ishlab chiqish yuzasidan qaror qabul qilindi.

Maktablarda millatimizning ertangi kuni ulg'ayotganligini unutmasligimiz kerak. Maktab ishi butun xalq ishi ekanligini anglab yetmog'imiz zarur, ya'ni ta'lim sifatini oshirish faqatgina pedagoglarning ishi emas, shu jamiyatda yashayotgan barchamizning vazifamizdir, — dedi E.Turdimov.

Sessiyada Kengash vakolatiga tegishli boshqa masalalar ham ko'rib chiqilib, qarorlar qabul qilindi.



## SAYYOR QABULDAGI MUROJAAT SHU KUNNING O'ZIDA HAL ETILDI

Viloyat hokimi E.Turdimovning joriy yildagi ilk sayyor qabuli 28 yanvar kuni Samarqand shahrida o'tkazildi.

Hokim bilan birga viloyatning yana uch sektor rahbari va boshqa mas'ullar ishtirokida o'tkazilgan qabulda tuman va shaharlardan kelgan fuqarolar ishtirok etdi.

Aholi turli masalalar yuzasidan murojaat qildi. Xususan, sog'liqni saqlash, ta'lim, bandlik, mehnat qonunchiligiga rioya qilish, uy-joy kommunal xo'jaligi muammolari, shaharsozlik me'yorlarining buzilishi, oilaviy nizolar, mansabdor shaxslar faoliyatidagi kamchiliklar va huquqni muhofaza qiluvchi organlarning harakatsizligi va boshqa masalalar bo'yicha murojaatlar eshittilib, har bir muammo nazoratga olindi. Aksariyat masalalarga mas'ullar ishtirokida shu yerning o'zida yechim topildi.

Samarqand shahrida yashovchi T.Konvalova uyida yashash uchun sharoiti yo'qligini bildirib, viloyat hokimidan yordam so'radi. Ushbu masala darhol nazoratga olinib, shu kunning o'zida fuqaroning uyiga mebel va

tushdi. Shuningdek, Past Darg'om, Payariq va Samarqand tumanlaridan kelgan fuqarolar ham ko'pchilikni tashkil etdi.

Har bir murojaatni qonunchilikda belgilangan muddatda ko'rib chiqish yuzasidan mas'ullarga topshiriqlar berildi.



boshqa jihozlar yetkazib berildi. Albatta, qabul davomida to'rt murchasi sog' bo'lsa-da yoki qo'lidan ish keladigan oila a'zolari bo'la turib, boqimandalik kayfiyatida hokimlik va rahbarlardan yordam so'rganlar ham bo'ldi. Bunday kishilarga ishga joylashish yoki biror bir kasb-hunar o'rganib, ro'zg'or tebratishi uchun yordam berish tushuntirildi. Noqonuniy talab va asossiz murojaatlar rad etildi.

Nogironligi bo'lgan shaxslar yoki og'ir xastalikka chalingan fuqarolar, murakkab jarrohlik amaliyoti o'tkazish zarurati bo'lgan kishilarga har tomonlama yordam berish bo'yicha chora-tadbirlar belgilandi.

Olti soatdan ortiq davom etgan sayyor qabulda jami 822 ta murojaat ko'rib chiqildi. Murojaatlar asosan Samarqand shahri aholisidan

## Islom Karimov yod etildi

**30-yanvar - O'zbekiston Respublikasining birinchi Prezidenti Islom Karimov tavallud topgan kun munosabati bilan viloyatimizda xotira tadbirlari bo'lib o'tdi.**

Dastlab viloyat faollari Samarqand shahridagi Islom Karimov maqbara-majmua-sini ziyorat qildi. Islom Karimov xotirasiga hurmat bajo keltirishdi. Qur'on tilovat qilindi.

Shundan so'ng viloyat va shahar hokimliklari, huquq-tartibot idoralari vakillari, harbiylar hamda keng jamoatchilik vakillari Islom Karimov haykali poyiga gullar qo'ydi.



Islom Karimov fondi tashabbusi bilan tashkil etilgan yana bir tadbirda viloyat va Samarqand shahar hokimligi vakillari, nuroniylar, faollar ishtirok etdi. Tadbir avvalida ishtirokchilar I.Karimov tug'ilib o'sgan xonadonda bo'lib, ulug' inson xotirasini yod etdi. Shundan so'ng mustaqilligimiz asoschisi xotirasiga bag'ishlab ehson dasturxonini yozildi. Tadbirda Islom Karimovning hayoti, ilm-fan, madaniyat va ma'naviyatni rivojlantirish borasidagi ishlari eslandi.

Mehnat faoliyatim davomida Islom Abdug'aniyevich bilan bir necha bor uchrashishga muyassar bo'lganman, — deydi mehnat faxriysi Salohiddin Bobomurodov. — 2015-yilda Samarqandga tashrifi chog'ida biz, faxriylar bilan birma-bir ko'rishib, mening qo'limni siqarkan "Sizni esladim, pillachilikni rivojlantirish bo'yicha ko'p ishlar qilishimiz kerak", degandi. Islom Karimov har bir sohani chuqur biladigan, yuksak tafakkurli va salohiyatli inson edi.

## "AYOLLAR DAFTARI" ning to'rtinchi bosqichi boshlandi

Kimlar ro'yxatga kiradi?

Bu yil "Ayollar daftari"ning to'rtinchi bosqichi amalga oshirilish arafasida. Xo'sh, milliardlab pul mablag'lari ajratilayotgan mazkur daftar ro'yxatidagi qanday yordam olishga muvaffaq bo'ldi? Nega hamon aholi orasida mazkur daftarga nisbatan ishonchsizlik bor? Bu yil ro'yxat yangidan tuziladimi yoki?.. Shu va boshqa savollar bilan O'zbekiston kasaba uyushmalari Federatsiyasining viloyat kengashi raisi Suhrob Rafiqovga murojaat qilindi.

(Davomi 3-sahifada) >>>



## OB-HAVO

Bugun havo o'zgaruvchan bo'lib, ayrim joylarda yomg'ir, qor yog'ishi, tuman tushishi mumkin. Ba'zi hududlarda shamolning tezligi 15-20 metr soniyagacha kuchayadi. Harorat kechasi 3 daraja sovuq, 2 daraja iliq, kunduzi 5-10 daraja iliq bo'ladi. 1-3-fevral kunlari yomg'ir yog'adi, ayrim joylarga tuman tushadi. Shamol tezligi 15-20 metr soniyagacha ko'tariladi. Kechasi 1 daraja sovuq, 4 daraja iliq, kunduzi 5-10 daraja iliq bo'ladi.

Samarqand gidrometeorologiya boshqarmasi.

Ushbu haftada ob-havoning biroz isishi va yog'ingarchiliklar bo'lishi kutilmoqda. Bunday vaziyatda qor va muzlarning erishi natijasida suv oqimlari yuzaga kelishi va joylarda ko'p miqdorda suv to'planishi mumkin. Yuzaga kelishi mumkin bo'lgan murakkab vaziyatlarning oldini olish maqsadida yurtdoshlarimizdan o'zlari yashab turgan hududlarda suv oqimi yo'llarini ochib, ariq va zovurlarni suv oqimini to'xtatishi mumkin bo'lgan xas-hashak va chiqindilardan tozalab qo'yishlarini so'raymiz.

# Bir o'lkaki, qishlarida shivirlar bahor...

Nurobod tumani Tapaqul qishlog'ida boychechak ochildi.

# Tadbirkorlarga yengilliklar berildi

Davlatimiz rahbarining 2022-yil 8-noyabrda qabul qilgan "Korporativ munosabatlarining huquqiy asoslarini yanada takomillashtirish chora-tadbirlari to'g'risida"gi qarori tijorat tashkilotlari faoliyatining tashkiliy-huquqiy asoslarini yanada takomillashtirish, yuridik shaxslar tashkiliy-huquqiy shakllarining o'z ahamiyatini yo'qotgan ayrim turlarini tugatish hamda zamonaviy korporativ boshqaruv usullarini joriy etishga qaratilgan bilan ahamiyatli bo'ldi.

Mazkur qaror bilan 2022-yil 1-dekabrda boshlab tijorat tashkilotlari faoliyatiga oid bir qator talablar bekor qilindi.

Xususan:

a) quyidagi tashkilotlarga nisbatan ichki audit xizmatlarini tashkil etish: mas'uliyati cheklangan jamiyatlar, bundan aktivlarining balans qiymati bazaviy hisoblash miqdorining yuz ming barobaridan ko'p bo'lgan, davlat ulushi 50 foiz va undan ortiq bo'lgan mas'uliyati cheklangan jamiyat, shuningdek, kredit tashkiloti mustasno;

aktivlarining balans qiymati bazaviy hisoblash miqdorining yuz ming barobaridan kam bo'lgan, davlat ulushi 50 foiz va undan ortiq bo'lgan aksiyadorlik jamiyatlari va davlat unitar korxonalari;

b) mas'uliyati cheklangan jamiyatning ta'xis shartnomasini davlat ro'yxatidan o'tkazish; v) mas'uliyati cheklangan jamiyatning yuridik shaxs hisoblangan ishtirokchilari vakillariga umumiy yig'ilishda ishtirok etish uchun beriladigan ishonchnomani notarial tartibda tasdiqlash;



g) mas'uliyati cheklangan jamiyatda zaxira jamg'armasi tashkil etilganida, uning miqdorini ustav fondining (ustav kapitalining) kamida 15 foizi etib belgilash. Bundan tashqari, xo'jalik jamiyatlarining ishtirokchisi (aksiyadori) va kreditorlari huquqlarini himoya qilish maqsadida 2023-yil

1-apreldan boshlab:

mas'uliyati cheklangan jamiyat ustav fondiga (ustav kapitaliga) qo'shiladigan, qiymati bazaviy hisoblash miqdorining o'n ming baravaridan ko'p bo'lgan pulsiz hissalar baholovchi tashkilot tomonidan baholalanadi va baholangan qiymatdan yuqori bo'lishi mumkin emas;

yuridik shaxslar qo'shib yuborish, qo'shib olish va tashkiliy-huquqiy shaklini o'zgartirish orqali qayta tashkil etilganida, korxonalarining huquq va majburiyatlari, topshirish hujjatida ko'rsatilgan yoki ko'rsatilmaganligidan qat'i nazar, qayta tashkil etilgan yuridik shaxsga o'tgan hisoblanadi;

xo'jalik jamiyatlarini kuzatuv kengashining aksiya, korporativ obligatsiya va boshqa qimmatli qog'ozlarni chiqarish bo'yicha qarorlari qonunchilik hujjatlariga muvofiq muhim fakt sifatida oshkor qilinadi.

**Aziz SOBIROV,**  
Samarqand shahar adliya bo'limi Davlat xizmatlari markazi bo'lim boshlig'i.



HUQUQIY MASLAHAT

# Ko'cha tozalashga chiqmasak, ishdan bo'shatish bilan jazolashmoqchi...



**- Hokimiyat tomonidan ishonamizdagi barcha xodimlarni ko'cha tozalashga jalb qilish haqida topshiriq bo'ldi. Majburiy mehnat qonun bilan ta'qiqlanmaganmi?**

**S.HASANOVA,**  
Payariq tumani.

- Qonunchiligimizga binoan majburiy mehnat ta'qiqlangan. Lekin ba'zi hollarda qonun normalardan bexabarlik, huquqiy bilimlarimizning sayozligi sabab shunday qonunbuzilish holatlariga yo'l ochib beramiz.

Konstitutsiyaning 37-moddasiga asosan Sud hukmi bilan tayinlangan jazoni o'tash tartibidan yoki qonunda ko'rsatilgan boshqa hollardan tashqari majburiy mehnat taqiqlanadi. Shuningdek, amaldagi Mehnat kodeksining 7-moddasiga asosan majburiy mehnat, ya'ni biron-bir jazoni qo'llash bilan ta'hdid qilish orqali (shu jumladan, mehnat intizomini saqlash vositasi tariqasida) ish bajarishga majburlash ham mumkin emas.

Ma'muriy javobgarlik to'g'risidagi kodeksning 51-moddasiga ko'ra, mehnatga biron-bir shaklda ma'muriy tarzda majburlash (bundan qonunda nazarda tutilgan hollar mustasno) bazaviy hisoblash miqdorining ellik baravaridan yuz baravarigacha (30 million so'mgacha) miqdorda jarima solishga sabab bo'ladi.

Jinoyat kodeksining 148-2-moddasida mehnatga biron-bir shaklda ma'muriy tarzda majburlash (bundan qonunda nazarda tutilgan hollar mustasno) xuddi shunday qilmish uchun ma'muriy jazo qo'llanilganidan keyin sodir etilgan bo'lsa, bazaviy hisoblash miqdorining yuz baravaridan bir yuz ellik baravarigacha (45 million so'mgacha) miqdorda jarima yoki ikki yilgacha muayyan huquqdan mahrum qilish yoxud ikki yilgacha xalq tuzatish ishlari bilan jazolanadi, deb belgilangan.

Xuddi shunday harakat voyaga yetmagan shaxsga nisbatan sodir etilgan bo'lsa, bazaviy hisoblash miqdorining bir yuz ellik baravaridan ikki yuz baravarigacha miqdorda jarima (60 million so'mgacha) yoki uch yilgacha muayyan huquqdan mahrum qilish yoki uch yilgacha xalq tuzatish ishlari bilan jazolanadi.

Ishchilarning huquq va manfaatlarini yanada himoya qilish maqsadida Vazirlar Mahkamasini tomonidan 2018-yil 10-mayda qabul qilingan "O'zbekiston Respublikasida majburiy mehnatga barham berishga doir qo'shimcha chora-tadbirlar to'g'risida"gi qarorida ham inson hayoti va faoliyatining barcha sohalarida majburiy mehnatning o'ldirilishi olish va unga to'liq barham berishga doir aniq hamda amaliy chora-tadbirlar belgilab berilgan.

Unga ko'ra, fuqarolarni, jumladan, ta'lim, sog'liqni saqlash muassasalarida, boshqa budget tashkilotlari xodimlarini, ta'lim muassasalarini o'quvchilari va talabalarni majburiy mehnatga, shu jumladan, tuman va shaharlar hududlarini obodonlashtirish hamda ko'kalamzorlashtirish ishlari, mavsumiy qishloq xo'jaligi ishlari, metall chiqindilari va makulatura yig'ish, shuningdek, boshqa turdagi mavsumiy ishlarga jalb qilish ta'qiqlangan.

**Orif MUHAMMADIYEV,**  
viloyat adliya boshqarmasi bo'lim boshlig'i.

Prezidentimiz Sh.Mirziyoyevning 2022-yil 20-dekabr kuni Oliy Majlis va O'zbekiston xalqiga Murojaatnomasida bolalarni maktabgacha ta'lim bilan qamrab olish darajasi Toshkent shahrida o'tkazilgan UNESCOning Maktabgacha ta'lim bo'yicha umumjahon anjumanida yuksak e'tirof etildi va shu bilan birga, bog'chalar sonini ko'paytirish, ulardagi ta'lim va tarbiya sifatini tubdan yaxshilash bo'yicha besh yillik dastur qabul qilindi, deyildi.

# Ta'lim-tarbiya bog'chadan boshlanadi

Yangi O'zbekiston - maktab ostonasidan boshlanishi, ya'ni ta'lim-tarbiya tizimidan boshlanishi to'g'risida yangi g'oyalari ilgari surildi. Albatta, ta'lim va tarbiya tizimining boshlang'ich bo'g'ini bu - maktabgacha ta'lim hisoblanadi.

Yurtimizda bolalar bog'chalari yildan-yilga ko'payib bormoqda. Raqamlarga e'tibor beradigan bo'lsa, 2017-yilda viloyatimizda 564 ta bog'chaga 63621 nafar bola (3-7 yoshdagi bolalarning 20,9 foizi) qamrab olingan bo'lsa, 2022-yilning yakuniga kelib, 3633 bog'chada 242 ming nafardan ziyod bolaga (69,7 foiz) ta'lim-tarbiya berilmoqda.

Bog'chalar soni tahlil qilganda, 2017-yilga nisbatan davlat bog'chalari 179 taga, xususiy bog'chalar 60 taga, davlat-xususiy sheriklik asosidagi bog'chalar 127 taga hamda oilaviy nodavlat bog'chalar 2703 taga ko'paygan va ularda qo'shimcha 179 ming o'rin yaratilib, bolalarni bog'chalarga qamrab olish ko'rsatkichi 48,9 foizga oshdi.

Olib borilayotgan islohotlar natijasida sohada nodavlat sektorning ulushi 2017-yilda 1 foiz bo'lgan bo'lsa, bugungi kunga kelib 40,3 foizga yetdi.

Mazkur maktabgacha ta'lim tashkilotlarining tashkil etilishi hisobiga 14290 nafar ishsiz fuqaro ish bilan ta'minlandi.

Bugungi kunda har bir maktabgacha ta'lim tashkilotidagi guruh xonalarda "Qurish-yasash, konstruksiyalash va matematika", "Sujetli rolli o'yinlar va sahnalashtirish", "San'at", "Til va nutq", "Ilim-fan va tabiat" markazlari didaktik va tarqatma materiallar bilan jihozlangan.

Sohada ta'lim-tarbiya sifatini oshirish maqsadida 2022-yilda davlat budgeti hisobidan bog'chalar 4 milliard so'mlik 22 turdagi didaktik materiallar, o'quv-metodik qo'llanmalar, o'yinchoqlar va har xil turdagi sport inventarlar bilan ta'minlandi.

Ta'lim-tarbiya sifatini oshirish maqsadida tajribali, ijodkor va fidoyi pedagoglar tarkibi shakllantirilib, 2021-yilda viloyat "Mahorat maktabi" tashkil etildi.

Hozirgi kunda mazkur maktabning ekspert guruhlari tomonidan bog'chalarda me'yoriy hujjatlarining yuritilishi, tajribali pedagoglarni "Ustoz-shogird" an'anasiga ko'ra biriktirish, bolajonlarga ta'lim-tarbiya berishda yangicha yondashuv asosida mashg'ulotlar o'tkazilishi bo'yicha telegram messengerining rasmiy kanali orqali kunlik yangiliklar va metodlar bilan ta'ishtirilmog'chi. Obunachilar soni 7 ming nafardan oshdi.

Biz 2023-yilda maktabgacha ta'lim tashkiloti direktorlarining mas'uliyatini oshirishni maqsad qildik. Yil davomida direktorlar o'zaro kasbiy tajriba almashadi. Ularning tashabbuslarini qo'llab-quvvatlash yuzasidan viloyatning boshqa hududlarida joylashgan bog'chalarda ko'rgazmali ochiq mashg'ulot, o'quv-amaliy seminar hamda "Rivojlantiruvchi markazlarni tashkil etish tartibi" mavzusida taqdimot o'tkazish rejalashtirildi.

Jarayonlarga tadbir o'tayotgan maktabgacha ta'lim tashkilotining "Kuzatuv kengashi" a'zolari jalb qilinadi.

Bundan tashqari, joriy yilda O'zbekiston-Finlandiya pedagogika instituti bilan hamkorlikda maktabgacha ta'lim yo'nalishida tahsil olayotgan talabalarni maktabgacha ta'lim tashkilotlariga ishga joylashtirish va bu orqali oliy ma'lumotli pedagoglarning ulushini yil yakuniga qadar 27,6 foizdan 38 foizga yetkazish rejalashtirilmog'chi.

**Zayniddin JO'RAYEV,**  
viloyat maktabgacha ta'lim boshqarmasi boshlig'i.

# CHORVADORLAR YURTIDA SANOAT HAM RIVOJLANIYAPTI



**Nurobod tumani aholisining asosiy qismi qishloq xo'jaligida band bo'lsa-da, keyingi yillarda tumanda sanoatni rivojlantirishga katta e'tibor qaratilmoqda.**

O'tgan yil tumanda sanoat mahsulotlari ishlab chiqarish hajmi 413,6 milliard so'mga oshib, 123 foizni tashkil etdi. Aholiga ko'rsatilgan xizmatlar hajmi 410,3 milliard so'mni, qurilish ishlari hajmi esa 94,6 milliard so'mni tashkil etdi. Eksportga 14,3 million dollarlik mahsulot jo'natildi, import hajmi 17,8 million dollardan oshdi.

Tadbirkorlar uchun yaratilgan imtiyoz va yengilliklar tufayli bugungi kunda tumanda jami eksport qiluvchi korxonalar soni 11 tani tashkil etib, ularning yettitasi dunyoning olti davlatiga 14 turdagi mahsulot eksport qildi.

Tuman salohiyatidan kelib chiqib, 2023-yilda eksport ko'rsatkichlari 16 million dollar, to'g'ridan-to'g'ri xorijiy investitsiyalar hajmi 13,8 million dollarga yetishi kutilmoqda.

"Mahallabay" tizimi samaradorligini oshirish maqsadida tumanda tadbirkorlikning 14 ta asosiy yo'nalishi bo'yicha "Yo'l xaritasi" ishlab chiqilgan.

2022-yilgi mahalliy budgetning bajarilgan qismining 8 milliard 550 million so'mi yoki 30 foizi "Ochiq budget" loyihalarini amalga oshirishga, 609 million so'mi yoki 15 foizi "Saxovat va ko'mak" jamg'armasiga yo'naltirildi.

Nurobodda xususiy tadbirkorlik va kichik biznesni rivojlantirishga ham jiddiy e'tibor qaratilmoqda. 2022-yilda tadbirkorlik sub'yektlari soni 1098 taga oshdi.

2023-yil 1-yanvar holatida tumanda davlat ro'yxatidan o'tgan va faoliyat yuritayotgan tadbirkorlik sub'yektlarining umumiy soni 2 ming 598 tani tashkil etadi. Shundan 1 ming 797 tasi yuridik shaxs,

801 tasi yakka tartibdagi tadbirkoridir. Xorijiy sarmoya jalb etilib, yangi loyihalarni amalga oshirilgach, qishloq aholi uchun yangi ish o'rinlari yaratilmoqda. Keling, faktlarga murojaat qilaylik. O'tgan yili 17 ming 868 kishi ish bilan ta'minlangan bo'lsa, 2023-yilda 1,8 ming yangi ish o'ri yaratiladi.

Shuningdek, "xonadonboy" va "mahallabay" tizimlari ham o'zining ijobiy natijalarini bermoqda.

2022-yilning yanvarida 1015 oila "Temir daftar"ga kiritilgan bo'lsa, dekabr oyida ularning soni 20 tani tashkil etdi. Xuddi shunday o'tgan yil boshida "Yoshlar daftariga" kiritilgan 1901 yoshlardan 93 nafar qolgan bo'lsa, "Ayollar daftariga" kiritilgan 2505 nafar xotin-qiz yil oxirida ushbu daftaridan butunlay chiqarilgan. Ularga 2,5 milliard so'm miqdorida moddiy yordam ko'rsatildi.

Joriy yilda bunday daftariga kiritilgan kam ta'minlangan oilalarga 3 milliard 600 million so'm moddiy yordam ko'rsatildi.

Joriy yilda arzon uy-joylarni qurish dasturi doirasida tumanda umumiy qiymati 3,1 milliard so'mlik bitta loyiha amalga oshirilib, 16 ta maktab sport zali hamda 17, 39, 55-ixtisoslashtirilgan maktab filiallari qurildi.

Manzilli dastur asosida mahalliy budget mablag'lari hisobidan 8, 17, 25, 43, 45, 63-maktablar uchun qo'shimcha binolar bunyod etildi.

Eng muhim sarmoya ta'limga, kelajakka qo'yilgan sarmoyadir. Bu borada Nurobodda ham xayrli ishlar amalga oshirilayapti.

O'tgan yili maktabimiz jamoasi "Zakovat" intellektual o'yinida Samarqand viloyati sharafiga munosib himoya qilib, respublikada ikkinchi o'rinni egalladi, - deydi 11-umumta'lim maktabi direktori Farida Narimonova. - Bu yil jamoa a'zolari respublikada birinchi o'rinni egallash niyatida. Maktabimiz reytingda tumanda





